



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Sententia ix. Rogo, vt omnes vnum sint. Iij.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

SENTENTIA IX.

Rogo, vt omnes vnum sint, sicut tu Pater in me, & ego in te, vt & ipsi in nobis vnum sint,

PARACLESIS.

Omnis populus Christianus vnum est in Deo, CAPVT

quasi filij charissimi diuina confortes natura: non
 secundum naturam, sed secundū gratiam. Neque enim
 eiusdem substantia est, animus humanus & Deus. Sed
 dilexisti, inquit, eos, sicut & me dilexisti. Vides ergo
 quod in consortium substantia eius assumimur, non na-
 tura esse sed gratia: & ideo nos diligit, quia filium dile-
 xit Pater, & membra diliguntur, scilicet in corpore.
 Quotquot enim receperunt Christum, dedit eis potesta-
 tem filios Dei fieri, his qui credunt in nomine eius: qui
 non ex sanguinibus, neque ex voluntate carnis, neque ex
 voluntate viri, sed ex Deo nati sunt. Verbum caro fa-
 ctum est, vt nos de carne transiremus in Verbum. Nec
 verbum desit esse quod fuerat: nec homo perdidit esse,
 quod natus est. Gloria aucta est, nō mutata natura. Vis
 scire quomodo cū Christo vnum corpus efficiamur? Do-
 ceat te ipse qui condidit, Qui comedit carnem meam, &
 bibit sanguinem meum: hic in me manet, & ego in illo.
 Sicut misit me viuens Pater, & ego viuo propter Patrē:
 & qui comedit me, viuit propter me. Isto est panis, qui de
 celo descendit. Sed & Ioannes Euangelista, qui de pe-
 ctore Christi hauserat sapientiam, in eadem verba con-
 cordat dicens: In hoc intelligimus quod in eo manemus,
 & ipse in nobis: quoniam de spiritu suo dedit nobis. Si
 quis confessus fuerit, quoniam Iesus est Filius Dei: Deus
 in eo manet, & ipse in Deo est. Si credis in Christum,
 quomodo & Apostoli crediderunt, vnum cum eis in
 Christo corpus efficieris.

LII.

Hieron. li. 2.

aduersus

Iouinia.

2. Petri. 1.

Ioan. 1.

Ioan. 6.

1. Ioan. 4.

S E N